

ՈՐՈՇՈՒՄ

Խաչատուր Աբովյանի անվան հայկական պետական մանկավարժական համալսարանի
գիտական խորհրդի 2015թ. օգոստոսի 27-ի նիստի

(արձանագրություն N1)

Լսելով Խ. Աբովյանի անվան հայկական պետական մանկավարժական համալսարանում
դասավանդման որակի հետագա բարելավման մասին կրթական բարեփոխումների և որակի
վարչության պետ Մկրտիչ Ավագյանի հաղորդումը՝

Գիտական խորհուրդը որոշում է՝

1. ՀՊՄՀ-ում դասավանդման որակի հետագա բարելավման մասին հաղորդումն ընդունել ի
ղեկավարում.
2. Արձանագրել դասավանդման որակի հետագա բարելավման գործընթացի
կարևորությունը ՀՊՄՀ կրթական բարեփոխումների շրջանակներում և
համապատասխանությունը համալսարանի ռազմավարական գերակայություններին,
3. Համալսարանի ուսումնական բոլոր ստորաբաժանումներում
 - քննարկել դասավանդման որակի հետագա բարելավման և դասավանդման
արդյունավետության բարձրացման խնդիրները և նախանշել կրթական
զարգացումների պահանջներին համահունչ կոնկրետ միջոցառումներ
/ սեպտեմբեր 2015, ՀՊՄՀ ամբիոններ, ֆակուլտետներ/,
 - 2015-16 ուսումնական տարվա սեպտեմբերի 21-ից ՀՊՄՀ բակալավրական բոլոր
կրթական ծրագրերի 1-ին կուրսեցիների ուսուցումը կազմակերպել և
իրականացնել առարկայական ուսումնամեթոդական փաթեթների / համառոտ
բացատրագիր, դասախոսությունների փաթեթ, տեսական և գործնական
պարապմունքների նյութեր, հարցեր ինքնստուգման համար, ինքնուրույն
հետազոտական աշխատանքների և դրանց գնահատման չափանիշներ,
լաբորատոր և արտալսարանյին աշխատանքների կատարման մանրամասներ/,
 - 2015-16 ուսումնական տարվա 2-րդ կիսամյակից ՀՊՄՀ բոլոր կրթական
ծրագրերի բակալավր 2-4-րդ կուրսերի ուսանողների ուսուցումը կազմակերպել
և իրականացնել առարկայական ուսումնամեթոդական փաթեթների
կիրառումը,
4. Հանձնարարել Համալսարանի ուսումնամեթոդական վարչությանը և կրթական
բարեփոխումների և որակի վարչությանը
 - եռօրյա ժամկետում բոլոր ուսումնական ստորաբաժանումներին տրամադրել
առարկայական ուսումնամեթոդական փաթեթների օրինակելի ձևանմուշը,
 - մինչև սեպտեմբերի 21-ը ստեղծել ուսանողի ուղեցույց, շտեմարաններից
օգտվելու պայմանների ու հնարավորությունների մանրամասն նկարագրությամբ,
ապահովել դրանց հասանելիությունը ուսանողներին,

5. Հանձնարարել Համալսարանի ամբիոններին կազմակերպել և անցկացնել պարբերական ամբիոնի նիստեր
 - մինչև 2015 թվականի սեպտեմբերի 21-ը պրոֆեսորադասախոսական անձնակազմի կողմից մշակված բակալավր 1-ին կուրսերի առարկայական ուսումնամեթոդական փաթեթների հաստատման նպատակով, մինչև 2015 թվականի դեկտեմբեր բակալավր 2-4-րդ կուրսերի առարկայական ուսումնամեթոդական փաթեթների հաստատման նպատակով.
6. Հանձնարարել Համալսարանի տեղեկատվական տեխնոլոգիաների կենտրոնին`
 - ստեղծել առարկայական ուսումնամեթոդական փաթեթների էլեկտրոնային բազա, ինչպես նաև ուսանող-դասախոս մասնագիտական հաղորդակցման էլեկտրոնային հարթակ դասընթացի շուրջ ինտերակտիվ շփումն ապահովելու նպատակով,
 - ստեղծել ուսանողների տվյալների էլեկտրոնային բազա, որի շնորհիվ յուրաքանչյուր ուսանող կարող է օգտվել իր մասնագիտության գծով անհրաժեշտ սեկտորից,
 - ապահովել ուսումնամեթոդական էլեկտրոնային բազայի կապը համալսարանի այլ էլեկտրոնային ռեսուրսների հետ,
7. Հանձնարարել համալսարանի ֆակուլտետներին և նրանց խորհուրդներին`
 - պրոֆեսորադասախոսական անձնակազմի թափուր հաստիքների մրցույթների անցկացման ընթացքում որպես մրցութային պահանջ, առանձնակի կարևորություն տալ թեկնածուի գործընթացին ներգրավվածությանը,
 - պարբերաբար անդրադառնալ դասավանդման նոր համակարգի ներդրման խնդիրներին ֆակուլտետի խորհրդի նիստերում,
8. Սույն գործընթացի հսկողության իրականացումը հանձնարարել ՀՊՄՀ ուսումնամեթոդական և կրթական բարեփոխումների և որակի վարչություններին:

Ռեկտոր՝

Ռուբեն Միրզախանյան